



Na osnovu Sporazuma o međusobnoj saradnji zaključenog dana 13.04.2026. godine, između organizacije Qatar Charity Sarajevo i Gradske uprave Grada Goražde, Gradonačelnik Grada Goražde raspisuje:

**JAVNI POZIV
za podnošenje Prijava za dodjelu plastenika
putem sufinansiranja**

Grad Goražde u saradnji sa organizacijom Qatar Charity Sarajevo raspisuje Javni poziv za podnošenje Prijava za dodjelu deset (10) plastenika površine 35 m².

I KRITERIJI ZA DODJELU PLASTENIKA

1. PRAVO UČEŠĆA - eliminatorni kriteriji

Pravo učešća na Javnom pozivu imaju kandidati koji ispunjavaju slijedeće uslove:

- da nosilac i članovi domaćinstva imaju stalno i stvarno prebivalište na području Grada Goražde,
- da domaćinstvo ima na raspolaganju poljoprivredno zemljište na području Grada Goražde ili u ruralnom dijelu grada koje je pogodno za postavljanje plastenika i sa pristupom vodi;
- da su potencijalni korisnici u mogućnosti obezbijediti vlastito učešće u iznosu 20% od ukupne vrijednosti donacije (341,00 KM).

Ispunjavanje navedenih kriterija je obavezujuće za sve potencijalne korisnike.

2. OSNOVNI KRITERIJI

Kandidati koji se prijavljuju na Javni poziv imaće prednost ukoliko ispunjavaju i slijedeće uslove:

- domaćinstvo sa četiri i više članova;
- domaćinstvo bez stalnih mjesečnih prihoda;
- domaćinstvo sa stalnim mjesečnim prihodima po članu porodice u iznosu od 100 KM;
- domaćinstvo čiji s u mjesečni prihodi socijalni prihodi;

- domaćinstvo čiji je jedini izvor mjesečnih prihoda poljoprivreda;
- domaćinstvo čiji je nosilac žena;
- domaćinstvo čiji je nosilac ili član osoba sa invaliditetom (neratni invalidi i civilne žrtve rata, ratni vojni invalidi I i II kategorije), dijete ili osoba sa smetnjama u razvoju, nezaposlena mlada osoba (do 35 godina starosti), nezaposleni roditelj maloljetnog djeteta, samohrani roditelj i/ili žrtva nasilja u porodici.

Ispunjavanje najmanje jednog od navedenih kriterija je obavezujuće za sve potencijalne korisnike.

II POTREBNA DOKUMENTACIJA:

- Popunjen i potpisan obrazac Prijave na Javni poziv;
- Dokaz o prebivalištu (CIPS) za podnosioca prijave;
- Uvjerenje J.U. Centar za socijalni rad o statusu i primanjima;
- Dokaz o invalidnosti;
- Izjava: - o visini i izvorima prihoda domaćinstva;
 - o broju i statusu članova domaćinstva;
 - o posjedovanju zemljišta pogodnog za plasteničku proizvodnju.

III NAČIN BODOVANJA

1. ISPUNJENOST OSNOVNIH KRITERIJA	Odgovor	Broj bodova
Broj članova domaćinstva		1. član - 1. bod
Visina mjesečnih prihoda po članu domaćinstva (KM)		
0,00 KM		5 bodova
od 1,00 do 100,00 KM		4 boda
od 101,00 do 200,00 KM		3 boda
od 201,00 do 300,00 KM		2 boda
od 301,00 do 400,00 KM		1 bod
401,00 KM i više		0 bodova

Izvor mjesečnih prihoda domaćinstva		
Socijalna pomoć, stalna novčana pomoć ili socijalni prihodi po osnovu socijalne zaštite, kućna njege ili pomoći iste ili slične kategorije		2 boda
Poljoprivredna proizvodnja		1 bod
Radni odnos na određeno ili neodređeno vrijeme nosioca ili bar jednog člana domaćinstva		0 bodova
Nosilac domaćinstva		
Žena		1 bod
Osoba sa invaliditetom (neratni invalidi i civilne žrtve rata, ratni vojni invalidi I i II kategorije)		1 bod
Nezaposlena mlada osoba (do 35 godina starosti)		1 bod
Nezaposleni roditelji maloljetnog djeteta		1 bod
Samohrani roditelji		1 bod
Članovi domaćinstva		
Djeca predškolskog uzrasta		1 član - 1 bod
Djeca školskog uzrasta		1 član - 1 bod
Studenti		1 član - 1 bod
Osoba sa invaliditetom (neratni invalidi i civilne žrtve rata, ratni vojni invalidi I i II kategorije)		1 član - 1 bod
Dijete i / ili osoba sa smetnjom u razvoju		1 član - 1 bod
Nezaposlena mlada osoba (do 35 godina starosti)		1 član - 1 bod
Nezaposleni roditelji maloljetnog djeteta		1 član - 1 bod
Samohrani roditelji		1 član - 1 bod
Žrtva nasilja u porodici		1 član - 1 bod
Ocjena komisije prilikom obilaska kandidata		
Ocjena pogodnosti terena za plasteničku proizvodnju		Od 1 do 5 bodova
Ocjena ukupnog socijalnog stanja domaćinstva		Od 1 do 5 bodova
Procjena uticaja donacije na stanje domaćinstva		Od 1 do 5 bodova

IV PROCEDURA ODABIRA KORISNIKA

Gradonačelnik Grada Goražde će imenovati Komisiju za implementaciju projekta u čijem sastavu će biti po jedan predstavnik Gradske uprave Grada Goražde, Qatar Charity i J.U. Centar za socijalni rad Goražde.

Komisija će izvršiti otvaranje pristiglih prijava i nakon provedene procedure (obilaska svih kandidata i bodovanja prema postavljeni kriterijima) sačiniti rang listu kandidata koji ispunjavaju uslove Javnog poziva.

Saglasnost na predloženu rang listu daju Gradonačelnik Grada Goražde i Qatar Charity.

Konačna rang lista će biti objavljena na oglasnim pločama gradske uprave i J.U. Centar za socijalni rad Goražde, kao i zvaničnim web stranici gradske uprave.

Javni poziv ostaje otvoren 7 (sedam) dana od dana objavljivanja u lokalnim sredstvima javnog informisanja (RTV BPK Goražde), web stranicama Grada Goražde i J.U. Centar za socijalni rad Goražde, kao i na oglasnim pločama gradske uprave i J.U. Centar za socijalni rad Goražde.

Popunjene Prijave sa pratećom dokumentacijom predaju se u zatvorenoj koverti na protokol Grada Goražde ili putem pošte na adresu:

Grad Goražde

Služba za finansije, privredu i javne nabavke

Maršala Tita 2. 73 000 Goražde sa naznakom:

„Prijava na Javni poziv za dodjelu plastenika putem sufinansiranja“

NE OTVARAJ

Nepotpune i neblagovremene prijave se neće uzeti u razmatranje.

Obrasci Prijava na Javni poziv i Izjave mogu se preuzeti u šalter Sali Grada Goražde.

Sve dodatne informacije mogu se dobiti u Službi za finansije, privredu i javne nabavke Grada Goražde ili na telefon 038/ 221 – 002 svakim radnim danom od 08:00 -16:00 sati.

GRADONAČELNIK

Ernest Imamović

Goražde; _____

Broj: _____